

შესყიდვის შესახებ ხელშეკრულება №17

ქ. თბილისი

17 ნოემბერი 2011წ.

ს.ს. „საქართველოს ენერჯეტიკის განვითარების ფონდი“, შემდგომში წოდებული „შემსყიდველ ორგანიზაციად“, წარმოდგენილი მისი დირექტორის არჩილ მამათელაშვილის სახით, და შ.პ.ს. „სენსონი“, წარმოდგენილი მისი დირექტორის მალხაზ ფარეიშვილის სახით, შემდგომში წოდებული „მიმწოდებლად“, მოქმენი საქართველოს კანონმდებლობისა და საქართველოს მთავრობის 2011 წლის 7 სექტემბრის №337 დადგენილების საფუძველზე, ვდებთ წინამდებარე ხელშეკრულებას:

წინამდებარე ხელშეკრულება ადასტურებს შემდეგს:

1. მოცემულ ხელშეკრულებაში გამოყენებული ტერმინები და გამოთქმები ატარებენ იმავე მნიშვნელობებს, რაც მათ აქვთ მინიჭებული ხელშეკრულების პირობებში.
 2. მიმწოდებელი იღებს ვალდებულებას კეთილსინდისიერად და ჯეროვნად შეასრულოს ხელშეკრულებით ნაკისრი ვალდებულებები.
 3. შემსყიდველი ორგანიზაცია იღებს ვალდებულებას აუნაზღაუროს მიმწოდებელს ხელშეკრულების ღირებულება, ხელშეკრულების პირობებში ასახულ ვადებში და ფორმით.
 4. „მხარე“ ნიშნავს შემსყიდველ ორგანიზაციას და მიმწოდებელს.
 5. „მხარეები“ ნიშნავს შემსყიდველ ორგანიზაციას და მიმწოდებელს ერთად.
- ყოველივე ზემოაღნიშნულის დასტურად მხარეებმა გავაფორმეთ წინამდებარე ხელშეკრულება, ამ დოკუმენტის თავში მითითებულ დღესა და წელს.

შემსყიდველი ორგანიზაცია:

ს.ს. „საქართველოს ენერჯეტიკის განვითარების ფონდი“

მიმწოდებელი:

შ.პ.ს. „სენსონი“

მუხლი 1. ვამოყენებული ტერმინების განმარტებები

1.1 „შემსყიდვის შესახებ ხელშეკრულება“ (შემდგომში „ხელშეკრულება“) – ნიშნავს შემსყიდველ ორგანიზაციასა და მიმწოდებელს შორის დადებულ ხელშეკრულებას, რომელიც ხელმოწერილია მხარეთა მიერ.

1.2 „ხელშეკრულების ჯამური ღირებულება“ ნიშნავს წინამდებარე ხელშეკრულების მე-4 მუხლის 4.1 პუნქტში მითითებულ თანხას, რომელიც შემსყიდველმა ორგანიზაციამ უნდა გადაიხადოს მიმწოდებლის მიერ ხელშეკრულებით ნაკისრი ვალდებულების სრული და ზედმიწევნით შესრულებისათვის.

1.3 „შემსყიდველი ორგანიზაცია“ ნიშნავს საქართველოს მთავრობის 2011 წლის 7 სექტემბრის №337 დადგენილების მე-2 მუხლის „ბ“ ქვეპუნქტით განსაზღვრულ საწარმოს.

1.4 „მიმწოდებელი“ ნიშნავს პირს, რომელმაც შემსყიდველ ორგანიზაციასთან დადო შესყიდვის შესახებ ხელშეკრულება.

მუხლი 2. ხელშეკრულების საგანი

2.1 წინამდებარე ხელშეკრულების საგანია შემსყიდველი ორგანიზაციის მიერ მიმწოდებლისაგან ერთ პირთან მოლაპარაკების საშუალებით, ხელშეკრულების ფასის ფარგლებში ლენტეხი ჰესის შეტბორვის ზონის დამუშავება GIS და dwg ფორმატში. დიდიმის ჰესისა და ავჭალა ჰესის შეტბორვის კონტურის შედგენა GIS და dwg ფორმატში.

2.2 შემსყიდველი ორგანიზაცია იღებს ვალდებულებას აუნაზღაუროს მიმწოდებელს ხელშეკრულების ღირებულება ხელშეკრულებით განსაზღვრულ ვადებში და ფორმით.

მუხლი 3. მიწოდების ვადები და ადგილი

3.1 მიწოდების ვადა 2011 წლის 17 ნოემბრიდან 2011 წლის 21 ნოემბრის ჩათვლით;

3.2 მიწოდების ადგილი – ქ. თბილისი.

მუხლი 4. ხელშეკრულების ერთეული და ჯამური ღირებულება

4.1 ხელშეკრულების ჯამური ღირებულება შეადგენს 877.6 ლარს დ.ღ.გ-ს ჩათვლით;

მუხლი 5. ანგარიშსწორების ვადები, ვალუტა და ფორმა

5.1 ანგარიშსწორება მოხდება წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად, ფაქტიურად მიწოდებული საქონლისათვის, მიღება-ჩაბარების აქტის გაფორმებიდან 10 დღის ვადაში, წარმოდგენილი ანგარიშ-ფაქტურის საფუძველზე;

5.2 ანგარიშსწორების ვალუტა – ლარი;

5.3 ანგარიშსწორების ფორმა – უნაღდო.

მუხლი 6. მხარეთა პასუხისმგებლობა

6.1 ერთ-ერთი მხარის მიერ ნაკისრი ვალდებულების შეუსრულებლობის ან არასათანადო შესრულების შემთხვევაში, ბრალეული მხარე დაზარალებულ მხარეს აუნაზღაურებს დოკუმენტალურად დადასტურებულ მიყენებულ ზიანს, საქართველოში მოქმედი კანონმდებლობით დადგენილი წესით.

მუხლი 7. ხარისხი

7.1 მიმწოდებელი პასუხს აგებს მიწოდებული საქონლის ხარისხზე.

მუხლი 8. საქონლის მიღება-ჩაბარების წესი

8.1 საქონლის მიღება დასტურდება შემსყიდველ ორგანიზაციასა და მიმწოდებელს შორის მიღება-ჩაბარების აქტის გაფორმებით.

8.2 შემსყიდველი ორგანიზაცია უფლებამოსილია განაცხადოს უარი დაგვიანებით ან უხარისხოდ (წუნდებული) მიწოდებულ საქონელზე, ასეთ შემთხვევაში შემსყიდველი ორგანიზაცია თავისუფლდება ხელშეკრულების ღირებულების გადახდის ვალდებულებისაგან.

მუხლი 9. მხარეთა უფლება-ვალდებულებები

9.1 მიმწოდებელი ვალდებულია:

- ა) მიაწოდოს შემსყიდველ ორგანიზაციას ხელშეკრულებით გათვალისწინებული საქონელი;
- ბ) განიხილოს შემსყიდველი ორგანიზაციის პრეტენზიები და მიაწოდოს მოტივირებული პასუხი ნებისმიერ სადაო საკითხებზე;

9.2 შემსყიდველი ორგანიზაცია ვალდებულია:

- ა) დროულად აცნობოს მიმწოდებელს მიწოდებულ საქონელთან დაკავშირებული ხარვეზების შესახებ;
- ბ) გადაიხადოს ხელშეკრულების ღირებულება.

მუხლი 10. ფორს-მაჟორი

10.1 წინამდებარე ხელშეკრულებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული მიმწოდებლისა და/ან შემსყიდველი ორგანიზაციის შეცდომებსა და დაუდევრობასთან. ასეთი გარემოება შეიძლება გამოწვეულ იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით და სხვა.

10.2 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

10.3 ფორს-მაჟორული სიტუაციის 10 დღეზე მეტი ხნით გაგრძელების შემთხვევაში მხარეები უფლებამოსილი არიან ცალმხრივად შეწყვიტონ ხელშეკრულება, რაც დაუყოვნებლივ უნდა ეცნობოს მეორე მხარეს.

მუხლი 11. ხელშეკრულების დადების საფუძველი

11.1 ხელშეკრულების დადების საფუძველი არის საქართველოს მთავრობის 2011 წლის 7 სექტემბრის №337 დადგენილების მე-5 მუხლის მე-2 პუნქტის „ა“ ქვეპუნქტი.

მუხლი 12. ხელშეკრულების მოქმედების ვადა.

12.1 წინამდებარე ხელშეკრულება ძალაში შედის 2011 წლის 17 ნოემბრიდან და მოქმედებს მხარეთა მიერ ამ ხელშეკრულებიდან წარმოშობილ ვალდებულებების სრულად შესრულებამდე, მაგრამ არაუმეტეს 2011 წლის 30 ნოემბრის ჩათვლით.

მუხლი 13. სხვა პირობები

13.1 მხარეთა შორის სადაო საკითხები წყდება ურთიერთმოლაპარაკების გზით. შეთანხმების მიუღწევლობის შემთხვევაში მხარეები უფლებამოსილნი არიან მიმართონ საქართველოს სასამართლოს.

13.2 ხელშეკრულებაში დამატებების და/ან ცვლილებების შეტანა შესაძლებელია მხოლოდ წერილობითი ფორმით, მხარეთა ან მათი უფლებამოსილი წარმომადგენლების მიერ ხელმოწერით.

13.3 მხარეები უფლებამოსილნი არიან მოშალონ წინამდებარე ხელშეკრულება ცალმხრივად, თუ მეორე მხარე ვერ უზრუნველყოფს ნაკისრი ვალდებულებების ჯეროვან შესრულებას ან საქართველოს კანონმდებლობით გათვალისწინებულ სხვა შემთხვევებში.

13.4 ხელშეკრულება შედგენილია ქართულ ენაზე ორ ეგზემპლარად და თითოეულს გააჩნია თანაბარი იურიდიული ძალა.

მხარეთა რეკვიზიტები:

შემსყიდველი ორგანიზაცია:

სს „საქართველოს ენერჯეტიკის განვითარების ფონდი“

საიდ.კოდი 404391975

იურიდიული მისამართი: ქ. თბილისი, ბარათაშვილის ქ. №2

ფაქტიური მისამართი: ქ. თბილისი, აღმაშენებლის ქ. №154

ბანკის დასახელება ს.ს „საქართველოს ბანკი“

ა/ა GE15BG000000886103300

ბანკის კოდი: BAGAGE22

დირექტორი

არჩილ მამათელაშვილი



„მიმწოდებელი“

შ.პ.ს. „სენსონი“

საიდ. კოდი 205138509

ქ. თბილისი, აბაშიძის ქ. №20

ბანკის დასახელება: ს.ს. „საქართველოს ბანკი“ ცენტრალური ფილიალი

ა/ა GE29BG0000000205077300

ბანკის კოდი BAGAGE22

დირექტორი

მალხაზ ფარეიშვილი

